

DHAQANKA, AQOONTA
IYO FANKA

Culimada oo ka werwersan ololaha hub urursashada

Hubku wuxuu ka mid
yahay waxyaalaha halista
geliya nolosha aadamiga
soona dedejin kara baabi-
iisa iyo dabargo'iisa.

Sida runta ah hubku
sanooyinkan dambe wuxuu
gaarey heer sare xag tiro
iyo xag tayoba, duniduna
waxay maanta u egatahay
dhul gaas lagu bilbilay oo
sugaaya oo qura ninkii
kabriidka ku daari lahaa.
Warbixin uu soo saaray
Machadku adduunka ugu
qaabbilsan baaritaanka is-
taraatijiyada arrimaha
milliteriga ee saldhiggiisu
yahay magaalada London,
sannadka 1978ku wu
xuu sheegay in dawladaha
soo koraaya ee ku yaal Ba-
riga Dhexe iyo Qaaradda
Afrika ay kordhiyeen olo-
lihil hub urursiga ahoo oo
ay gaarsiiyen heer uusan
hore u gaarin.

Machadku isagoo warbi-
xintiisi sii wata wuxuu
tilmaamay in laba dal oo
Gobolkaasi ka mida ay
haystaan hubkii adduunka
ugu casrisanaa, lana
mid ah kan ay ku dagaal
galaan labada gaashaan-
buurood ee waaweyni.

Hubkaa labadaa dal ay
haystaan waxaa ka mid
ah baa la yiri: diyaaradaha
dagaalka F14; F15; F16 iyo
raadaarrada meelaha dhaa-
deher wax ka arka, waxa
kaloo ka mid ah diyaaradaha
Miig 23 iyo 27. Taan-
giyada T62 iyo Sawaariikhda
taangiyada lagu bur-
buriyo ee loo yaaqan «HOT» iyo sawaariikhda
lagu soo dejiyo diyaaradaha ee Saam 6, 8, 9.

Tan iyo haddana ni-
manka aqooyahannada ahi
waxay la yaabsan yihiin
ololaha hub urursiga ah
ee maskaxda ka galay da-
lalka soo koraya, hubkaas
oo kaba badan inta gaa-
shaandhiggooru u baahan
yahay, aynaa kayd ahaan
maqaasiinno uga buuxsa-
nayaan. Machadku war-
bixintiisa wuxuu kaloo ku
sheegay in dalal ka mid
ah Aasiya iyo Afrika ay si-
xad-dhaaf ah u kordhi-
yeen ololahoodii hub urur-

siga ahaa, wuxuuna mac-
uu soo saaray waxay is-
hadku tusaale ahaan u
soo qaataay dalka Xabashi-
da, oo laba sano ka hor
haysan jirey 80 Taangl
iyo dalka Moosambiig oo
sannadkii 1976kii wax hu-
ba haba yaraatee aan hay-
san.

Warbixinta Machadku

uu soo saaray waxay is-
barbar dhigaysaa awoddha
dagaalka ee labada ga-
shaanbuurood ee xaggada
gaalka berriga, wuxuuna
sheegay in gaashaanbuurt
Waarsa ay gaarsilsey Taan
giyadii ay haysatey ilaa
50.000 oo kala jaad jaad
ah, waxayna soo saaraan
sannadkliba 2000 oo ah

Taangiyada loo yaqaan T72
oo ka casrisan Taangiyada
lagu magacaabo T64. Waxay
kaloo gaarsiiyen ga-
waardooda gaashaaman
ilaa 55.000.

neyd ee ay haysatey, laa-
kiinse waxay samaysatay
hub cuub oo is—wada oo
lagu burburyo Taangiyada
loona yaqaan «Anti-
tank guided weapons» hub-
kaasoo labada geesood isu
dheelli tiraya.

Dr. Max'ed Macallin Cumar

Buraanburka iyo miisaankiisa

Badanaaba maansada curiskeedu ragga iyo
haweenka way u kala qaydan tahay. Halka ga-
baygu ragga ugu jiro ayaa buraankurkuna dumarka
ugu jiraa. Iayada oo la yidhaahdo dumarka ma
gabyi karaan ayaaxaxa jira in hal-abuurka du-
marka intiisa badani kabeer sarrayso ka ragga
marka laga eego xaggada dhiska. Taasi waxa weeye
in buraanburka iyo heesta kebedda oo labaduba
dumarka u gaar yihiin ay dhis ahaan ugu nud dheer
yihiin xubnaha maansada oo dhan. Qiimaynta
fikradaha iyo qalabka loo adeegsado maansada kol-
ka dhinac la iska dhigo, waxa yihiin ah in dumar-
ku ragga ka hal-abuur adag yihiin. Dhinacea
haddii aani weliba haweenku sed-bursimo ku la-
hayn, marnaba lama odhan karo ragga ayay
kala meeqaan joogaan.

Buraanburka oo hees kebdeedu uun ka meeris
adag tahay, guud ahaan waxa la odhan karaa
waxa uu leeyahay siddeed meeris oo dhis ahaan
kala wada duwan. Innaga oo kol danbe hoos ugu
daadegi doona bal aynu hadda kor ka eegno.
Haddaba siddeeddaa meeris ee buraanbur sheegtay mid
waliba waxa uu u sii kala baxayaa hojis «shadar
hore» iyo hooris «in lagu xidho ama lagu hoorlyo».
Kala qaybiska hojiska iyo hoorisku ha inoo dan-
beeyen e waa kuwan siddeedii meeris oo mid
kasta aynu dhowr tusaale ka soo qaadanay.

XUSUUS: La soco in labada tiro ee meeris
ku hor qoran ta ta hor sheegeso inta alan
(Syllable) ee meeris ku jirta, ta danbena shee-
geyso inta shaqal dhoree eeris u go'an. Mar
uu farcamed yahay oo hal shaqal dhoree ku faatuul
noqdo mooyaan e, ma jiro dhis kale oo aan sar-
gooyada ahayn oo haba yaraato ee meeris buraanbur
ku sugnaan karaa. Bal hadda day.

MEERISKA: 11,7

11,7 = Intuu i caayaa buu, reerka caawiyaa
11,7 = Ninkii gooraftamaa, waa geyaan la'aan
11,7 = Sidii geel noo dhaluu, gaawihii sitaa

MEERISKA: 12,6

12,6 = Dannood geeskiisa iyo, gaafihii Wardheer
12,6 = Gabadhu waa Faadumioo, wiilku waa Farlid

12,6 = Calanka Soomaaliyeed, baa la caashaqaa

MEERISKA: 13,5

13,5 = Calanka Soomaaliyeed, baa cirkaa la sudhay

13,5 = Calool nugulaa Amxaar, ciidankii ka lumay,

13,5 = Dumarna goombaarta iyo, gaaridii la sheeg

MEERISKA: 14,4

14,4 = Raggaba giiryale iyo, geesigii la hubo

14,4 = Lagama daaweyo ruu, xeeni dakhar ku dhaco

14,4 = Waa dareen culus kolkii, daawo lagu baxaa

MEERISKA: 15,3

15,3 = Dooxadiyo maadha iyo meesha daranta badan

15,3 = Itkana laga sheegay Afri, kaana wada saxeex

15,3 = Itaal xumo waxa ka daran, waa la wada arkaa

MEERISKA: 16,2

16,2 = Rag miyaa damaesan xorriyat, deena inan la
deyin?

16,2 = Inanka camalkiisa iyo, caaqilka u wan-qalay

16,2 = Qulubka iyo ciilkka jira, caashaq igama bixin

MEERISKA: 17,1

17,1 = Dad kaleba yimi darkiyo, meesha damaca badan

17,1 = Ninkii gabadhuba gar badan, guulse lagama
simin

17,1 = Saddexda naga maqan e istic-, maarku kala
suntaday

MEERISKA: 18,0

18,0 = Afskana kama dhigo haddana, umalku igama
baxo

18,0 = Axdigaa qofka gala marnaba, lagama aragti gab

18,0 = Kursiga maqan iyo malaha, la isla wada
mutuxay

WAA INOO BERRI

CABDULLAAHI DIIRIYE GUULEED

DHAQANKA, AQONTA
IYO FANKA

HOJIS IYO HOORIS

BURAANBUR

Innaga oo hore u soo qaadnay in buraanburku xaggaa dhiska ugu baaxad weyn yahay maansada dhammaan teed, hees kebdeeda mooyaane, meeris ahaan uun baynnu u miisaanay. Bal hadda kolkanna aynnu hoos u si yara guda galno heerkilsan kowaad ee isu dheellitirka tirada alammada lio ta shaqal dhereyaasha ay qaataan, Halkii gabaygu ka lahaa shanta hojis iyo hooriska keli-daa ah (shan meeris), buraanburku waxa uu ka leeyayah shan hojis iyo afar hooris oo kala wada sal ah.

Hojis kasta iyo hooris waliba toos bay isu qaadan karaan halkaas oo dabadeed ay ka dhashaan siddeeda meeris ee aynnu tusaalah ka soo bixinay. Intaa ku darsio in hojis kasta iyo hooris walba hal shaqal dheree ku faaltuu noqon karo, kana dhigo farceme.

Sidii hore aaya lambarada dhinacyada, ta hore sheegysaa tirada alammada ta hakadka ka dampaysaana u sheegysaa tirada shaqal dhereyaasha. Dhis hojis iyo mid hoorisba isu-dhiganta labadaa tiro weeye waxa aynnu heerkan kowaad ka bogashadooda kaga tuntun-saynaynaa. Aan haddaba siddeedli meeris marba mid hojiskiisa iyo hooriskiisa isla dayno. Tirada guud ee meesriyada waxa aynnu ka helnay isu-geynta tirooyinka isleh ee hojiska iyo hooriska ku kala dhinac qoran.

Meeriska: 11,7

HOJIS + HOORIS

6,4 = Intuu i caayaa buu, reerk acaaw iyya = 5,3
6,4 = Ninkii gooraftamaa, waa geyaan la'aan = 5,3
6,4 = Sidii geel noo dhaluu, gaawihii sitaa = 5,3
6,4 = Waan ogaadoo aduu, aadugii ahaa = 5,3

MEERISKA: 12,6

7,3 = Dannood geeskiiisa iyo, gaafiihi Wardheer = 5,3
7,3 = Gabadhu waa Faadumoo, wiilku waa Fariid = 5,3
7,3 = Calool nugulaa Amxaar, ciidankii la waa = 5,3
7,3 = Calanka Soomaaliyeed, baa la caashqaa = 5,3

MEERISKA: 13,5

7,3 = Calanka Soomaaliyeed, baa cirkii la sudhay = 6,2
7,3 = Calool nugulaa Amxaar, ciidankii ka hadhay = 6,2

Halxidhaalaha toddobaadkan

HOOS

- Cudur dilaa ah oo imin-ka ku dhow in adduunka laga dabar gooyo.
- Sahal. Aan la isku tax-
- lujin,
- Laag yar oo marka roob ku da'o biyuhu maraan.
- Dhovr nin. rag.
- Orod, booddooyin, tar-


tammo kubbadda cagta, ko leyga iwm.

- Gabadh nacas ah,
- Subaxnimadan.
- Wax la yidhi. Weeth
- Hoo oo la tag.
- Dharka ayaa lagu to-shaa. Dun maaha.

GUDUB

- Siddeed meelood oo meel. Hal siddeed u qaybi.
- Geed uurjiif ah.
- Will magaci oo tilmaa-maya ceeb la'aan ama cay la'aan.

- Saxarada xoolaha.
- Rakhils maaha.
- Fadhiiso oo qaad cun.
- Guul
- Duqayti
- Dayn
- Sanqadh culus oo cirka ka timaadda marka roobku da'ayo.

WQ. Cabdullaahi Jaamac
Call (QURUS)

BAABUUR AAN KULULAANEYN

8,2 = Dumarka goombaarta iyo, gaaridii la sheeg = 5,3
7,3 = Waa dareen culus kolki, daawo laga baxaa = 6,2

Meeriska: 14,4

8,2 = Raggaba giiryale iyo, geesigii la hubo = 6,2

7,3 = Lagama daaweyo riir, xeeni dakhar ku dhaco = 7,1

9,1 = Filkaa kuma rabo e-fara-, haagu waa bilaash = 5,3

8,2 = Waa dareen culus colkiyo, caado laga baxaa = 6,2

Meeriska 15,3

8,2 = Dooxadiyo maadha iyo, meesha daranta badan = 7,1

9,1 = Kolki arlada kale lagu, ooso naaxi jirey = 6,2

9,1 = Ifkana laga sheegay Afri-kaana wada saxeex = 6,2

9,1 = Itaal xumo waxa ka daran, waa la wada arkaa = 6,2

Meeriska 16,2

9,1 = Niman baa damaesan xorriyd, deena inan la dagine = 7,1

9,1 = Ragga dirirsan uun ha odhan, daawo kulama lihi = 7,1

9,1 = Inanka camalkiisa iyo, caaqilka u wan-qalay = 7,1

9,1 = Qulubka iyo ciilkia jira, caashaq igama bixin = 7,1

Meeriska 17,1

10,0 = Dad kaleba yimi darka iyo, meesha damaca badan = 7,1

10,0 = Ninkyo gabadhuba gar badan, guulse lagama shimin = 7,1

9,1 = Aqalka dhinaciisa madhan, dhagaxyo lagama helo

10,0 = Saddexda naga maqan e istic-, maarku kala sun-taday = 7,1

Meeriska 18,0

10,0 = Shantaba ka hubiyey misana, midina kuma hadhsana = 8,0

10,0 = Afkana kama dhigo haddana, umalku igama hadho = 8,0

10,0 = Axdigu qofka gala marnaba, lagama aragti gabto = 8,0

10,0 = Kursiga maqan iyo malaha, la isla wada mutuxay = 8,0

(DHAMMAAD)

Waxa Qoray: Cabdullaahi Diiriye Guuleed

BAARITAANKA AQONTA BADHA

Waxaa dhowaan booqasho rasmi ah ku tegay Dekkeda Al-Iskandariya ee dalka Masaarida markab ka socda dalka J. Galbeed oo la yiraahdo «Meteyor» si uu u sameeyo baaritaan xagga sifada jugraafiga, dabeecadda iyo joolajiga ee Badda Cad.

Waxana la filayaan in markabka dushilsa lagu qabto shir cilmiyeed xagga «Kilmikada biyaha badaha» shirkaa wuxuu socon doonaan 6 casho, waxaana ka soo qayb gel doona 60 dal oo ay ka mid tahay Masar iyo dalal Carbeed oo kale.

Halxidhaalihii toddobaadkii hore

D	U	B	I	R	I
B	S	A	L	L	B
U	L	H	O	B	A
S	A	C		H	A
C	A	N	B	A	L
K	A	B	T	A	W
O	Q	I	I	L	O
R	G	I	B	I	G
G	U	D	S	O	L

DHAQANKA, AQOONTA
IYO FANKA

QAYBTA II

Galileo—Galilei ayaa isku dayay inuu hor—is-taago aaminsanaantii in-dho la'aanta ahayd ee diinta, soona bannaan dhi-go baaritaankiisi cilmiga ahaa wixii ka soo baxay, kuwaasoo xaqiijinayey fik-raddii ninkii la oran jiray Kobberniki ee ka soo hor-jeeday tli Tolomeo ee ay dilinta masiixigana la wa-dangatay (in qorraxdu tahay bartamaha adduunka (Universo) ee uusan dhulka ahayn) sidaa no kale waxa uu soo saaray fikradaha Dinaamikada (Dinamica); Sharciga koowaad ee Di-naamikada «Princípio d'inerzia», soo dhleecida cu-leysyada (Caduta dei gravi), arrimahaas waxaa Galileo hortii tilmaarnay «Leo nardo da Vinci». Dhibaatadli Kaniisadda masiixiga ay u geysatay Galileo ma hakinin socodkii cilmiga). Dalka Ingiriska nin la oran jiray «Francis Bacon» ayaa asaas u dhigay habka tijaabinta cusub, ninkas waxa uu shuc-ladda u qaaday cilmi baa-rista, waxa isaga la dha-shay aqoonyahanka (Scienziato).

1657 waxa magaalada Firenze ee (dalka Talya-niga laga aasaasay Akadeemiyadii loo yiqlinay «L'accademia del Cimento». Aqoonyahan arday u ahaa Galileo—Evange-lista Torricelli ayaa soo saaray uumi cabbiraha (Parametro), wuxuuna abuuray mekaanikada wa-xa dareera (meccanica dei fluidi), taas oo ay sii amba qaadeen raggi ay ka midka ahaayeen «Pascal, Gay Lussac iyo Boyle». Tijaabooyinkii ay mikoros, koobka ku sameeyeen rag-gii ay ka midka ahaayeen «Red, iyo Malpighi» ayaa baabiyyey «Galen» aasaas na u noqday cilmiga daa-wada (Medicina) iyo barashada jirka xayawaanka (Biologia). Wax yar ka hor dib u soo noolaashadii waxaa abuurmay laba dhaqdaqaq falsafadeed kan «Empiristica» oo ay hoggaaminayeen Baco-

ne, Hobbes, Newton iyo «Razionalista» oo ay hog-gaanka u hayeen «Carte-sio, Leibnitz, Spinoza». La-bada dhinacba wax weyn ayey ka tareen horukaca aqoonta. Cartesio—dhanka Aljebraada iyo Geometriyada, Leibnitz—Calcolo infinitesimal, Newton—sharciga II, III ee mekaanikada. Wuxa korodhay kalsoonidii lagu qabay cilmiga iyo in uu waxtar weyn u leeyahay bulshada. 1769 Wat ayaa soo saaray makiinadii uumiga ku shaqeeynaysay (Macchina a vapore).

Cilmigana waxa uu isu beddelay teknolojiya; 1789 A. Lavoisier ayaa soo saaray fikraddii ahayd «Ma-jiro wax abuurma ama baaba'a, wax waliba waa ay isbeddelaan» waxaa dhalatay kiimikada ayado ka soo shidaal qaada-

tay «Alchimia» carabtii iyo qarniyadii dhexe «Medio Evo», 1800 waxaa korontada soo saaray «Franklin» Galvani iyo «Volta» taasoo gogoldhig u noqotay arrimo waaweyn oo ay culimadu soo saartay sannaddii 1800 «Siddleed Boqolaad-kii» oo ay ka midka ahaayeey: Telegrafka, Taleefonka, Daynamada; naalka matoorka qarxa «motore a scoppio», sharciyadiil daynaamikada kulka «Ter-modinamica» «Kelvin, Carnot», fikraddii Dorwin 1859. Baahida fiisikada aatomka «fisica» iyo shar-cigii Eneshteyn (teoria del-la relativita) 1916 ayaa ballaariye cilmiga. 1862 Maxwel ayaa saxay fik-raddii Newton uu ku qabay ifka, kuna beddelay habka isdaba—joogga «On-dulatoria»; (20) labaatan sano dabadeed H. Hertz markii uu aqoonsaday hi-

rarka magniiftka waxaa waddada u furantay raad-yahay iyo raandaarka Hawshii iyo baaritaankii ninkii la oran jiray Redi ee la xiriiray noolayaasha-yar yar ee cudurradu ka dhashaan «Germi» waxaa siil waday L. Pasteur, waxayna dhallyeen cilmiga brashada jirka xayawaanka cusub. Soo shaac bil-xii fikraddii Darwin (taas oo saameysay cilmiga brashada jirka xayawaanka), hawlihi Mendel ee ku saabsanay iska dhaxlidda dabeecadaha ee uu ku tijaabiyy geedaha digirta (1865) iyo kuwil ninkii la oran jiray Morgan ee dabeecadaha duqsiga «Drosophila» ayaa curiyay cilmiga dhalashada (genetica). Ayadoo la yaab noqotay, casrigii cilmiga ayuu cilmigii khalkhal «Cris» ga lay kaddib markii ay soo baxday fikradda sugnaasho.

la'aanta (Principio dell' indeterminazione) ee Heisen-berg, isla mar qlyasid la'aanta orodka iyo booska elektroonka — 1925 iyo ayadde la garwaqsaday in arrintaasi ay wax badan ka beddelayo dhinaca «Particelle elementari» wa xay gayeysiisay culimada waqtigan in ay maleyn wax ku baaraan, ayagoon waxba hubin «Karl Popper».

Arrimo badan ayaa shaki gelinaya aaminsanaantii cilmiga iyo teknoloojiyada. Meelaha qaarkood sida «Biologia molecolare», cilmiga ha-wada sare (cosmologia) iyo fisikada, cilmiga waa uu garowsan yahay halka uu ka gaaray, xataa had-dii guulahoodii oo uu sii fidiiya dhanka falsafadda ay booska u banneyna-yaan dlinta.

«WAA INOO SABTIDA»

Muuse Cabdullaahi

JIIFTO WAA GABAY DHIMAN

Jiiftadu waxa ay ka mid tahay xubnaha laga faca weyn yahay, hase ahaato e, sida xad-dhaafka ah u hano qaaday. Wuxa taa u suurtageliyey waa nuddeeda tirada yar iyo fudaydka kala-xeelka ama iswaydaarinta alammada («syllables») marka la curinay meerisyada dala-kala duwan. Meerisyadeeda dhawrk'a ah oo hab-sami iyo hawl-yari dhiskooda loo kala xulan karo ayaa ugu wacan, sida ay ila tahay, in curiskeedu tahan wax dheeraado, taas oo keentay sababta meerisyada jiiftadu ugu habboonaadeen adeegsigeeda hadda aan xubin kale kula tartamayn.

Waxa taa u raaca in dhiska meerisyada jiiftadu yahay kii gabayga oo ka tiro kooban uun. Taasi waxa weeye, inta ay meeriska jiiftada iyo ka gabaygu iska le'eg yihiin oo dhis keli ah isku ah. Innaba wax u dhexeeyaa ma jiraan tirada oo kala badan mooyaan e.

Meerisyada jiiftadu waa shan dhis oo kala sal ah, kolka farcamaha oo hal shaqal dheeere ku faaltuu noqon karo mooyaan e. Shanta dhis ee asalka ahi waa:

5,4
6,3
7,2
8,1
9,0

Xasuu: Tirada hore (5...9) waxa ay sheegaysaa inta alan («syllable») ee meeriska ku jira, ta danbe-na (4...0) waxa ay sheegaysaa inta shaqal dheeere ee iyana meeriska ku jira.

Tusaale:

5,4 = Waa taan ku siiyee
6,3 = Saaxiib ha iga siin
7,2 = Habar iyo habeenked

8,7 = Inankiyo hubkiisuna

9,0 = Nin la sigay ma nabad-galay?

Meerisyada gabayga oo iyagu hojis iyo hooris u qaybsama waa tii hojisyadoodu ahaayeen:

7,5
8,4
9,3
10,2
11,1

Kolka dabadeed meeriska ugu yar meerisyada jiiftada ee ah 5,4 lagu kordhiyo laba alan oo midkood shaqal dheer leeyahay, waxa soo baxaya 7,5 oo ah ho-jiskii gabayga. Sidaa si la mid ah aaya meeris jiifti oo kastaa u yahay hojis gabay oo dhiman. Meeriska jiiftada kuweeda ugu dhiska weyn (9,0) laguma curin ka-ro hojis gabay. Bal intii kale waa kuwan e day:

1. WAA TAAN KU SHIYEE
(5,4 waa meeris jiifti)
WAA TAAN KU SHIYEE ADAA,
SAYDIHAY NABADIYE
(7,5 waa hojis gabay)
2. SAADAASIA MOOYEE
(5,4 waa meeris jiifti)
SAADAASIA MOOYEE WAR KALE,
SUURA-GELI WAAYE
(7,5 waa hojis gabay)
3. SUURAAF MIYAAN AHAY
(6,3 waa meeris jiifti)
SUURAAF MIYAAN AHAY ADAA,
SAACA II DHIGAY E
(8,4 waa hojis gabay).

Waa inoo berri

Cabdullaahi Diiriye Guuleed

DIIAQANKA, AQOONTA
IYO FANKA

JIIFTO WAA GABAY DHIMAN

QAYBTH II

- SAAXIIB MA NABAD BAA
(6,3 waa meeris jiifto)
SAAXIIB MA NABAD BAA LA YIDII, SAACADDII
HORE E
(9,3 waa hojis gabay)
3. SHEEKADA SAL FUDUDAAN
(7,2 waa meeris jiifto)
KALA SAAR RUN IYO BEEN
(7,2 waa meeris jiifto)
KALA SAAR RUN IYO BEEN KOLKH, MARAG LA
SOOYAANSHO
(9,3 waa hojis gabay)
4. DHULKA GOGOL LA SEEXDIYO
(8,7 waa meeris jiifto)
DHULKA GOGOL LA SEEXDIYO KA YEEL,
SUURADDUU YAHAY E
(10,2 waa hojis gabay)
RUUX SACABKU MADHIAN YAHAY
(8,1 waa meeris jiifto)
RUUX SACABKU MARAN YAIYAY HAA QDHAN,
SAADAN BAAN IMAN E
(11,1 waa hojis gabay)

GABAY JIIFTO LAGA DHEEGAY

Kuwaasi waxa ay ahaayeen meerisyo asalkocduu jiifto ahaa oo markii dhawr alaa lagu kordhiyey daba-deed soo baxay gabay. Kolka sidaas oo kale la dam-co in dhis meeris looga baaraandego waxa habboon uun in tirada alammada iyo tirada shaqal dheerayaasha la isu dheellitiraa. Intaa haddii loo hubijo, dhan kii loo dhigaba meeris cuudoon baa soo baxaya.

Bal kolkanna aan egno meerisyo gabay ahaa oo ayinno laba jeegaamood () kaga qoqbnay inta noqonaysa meerisyadii jiiftada. Si ayinno dhiskooda kale duwan u aragno ayayinno meerisyo teel-teel ah tusaale ahaan ugu soo qaadanay.

1. (GEED BUU KU SAARAA) kolkuu, kuu gol-leeyahay

- 5,4 meeris jiifto
(HOOGAANSIGEEDII) DAN BAAN,
SOO HANBAABIRAY E
5,4 meeris jiif.
2. (GACMAHAYGA JEERAAN) SIDII,
GUREY KU CIIL-BEELO
6,3 meeris jiif.
(WAA WADA SOCDAALEEN) RAGGIH,
SOOCANKA AHAAYE
6,3 meeris jiifto

3. (ISAGIYO DACFAALKII) MARKII,
LAYSKA DABA GEEYAY

- 7,2 meeris jiifto
(AFAR LAB A LIX GOOR BUU) SIDAA,
IIGA LOOGSADAY E
7,2 meeris jiifto

4. (GARASHADU SIDAY TAHAY) MAR WAAD,
GACAN SARRAYSAAYE

- 8,1 meeris jiifto
(HOHEY! LABIYO TOBAN JEER) MIYAY,
LIHDIMO I RAACDAY

Kolkanā aragnay sida hojis gabay inta loo kala qoqbay dabadeedna meeris jiifto u soo baxay. Sidan si la mid ah baa hojis gabay oo kasta looga dhex heli karaa meeris jiifto. Taasi waa fududhay kolka qoqobuhu ku dhaco laba eray dhedhood, iyada oo inta meeris jiifto noqotay weliba macne samaynayo. Kolkase meeriskii jiiftada dhammaadkiisu ku beegmo isla erey dhexdii, waxa aad mooddaan in hubsiinadii mug-di gashay. Waxbase ismaa doorin e runtu waa tii uun. Bal hadda day kan:

(LUR ADDUUNYO WAA CAA-) WADAAN,
WAX IGU LAABNAYN E

6,3 meeris jiifto

Dhiska labada jeegaamood ku dhex jiraan waa lix alan oo saddex ka mid ahi ay shaqal dheereyaal yihii. Intaasinaa waa meeris jiifto oo aan innabaa laaxin la-hayn. Hase yesho e dhammaadka meerisku waxa uu ku beegmay alanka hore ee «caawadatan». Taasi waxa ay keentay in meeriska la aqoonsado waayo maenihii baa lumay ereyga oo aan qaybsami karin dartii. Haddii aad tidhaahdo;

LUR ADDUUNYO WAA CAAD


6,3 meeris jiifto

Markiiba waad dareemaysaa in meeriskan jiifto lagu hubo. Dhiskuna waa isla kiiye meel yar baa wax si ka noqdeen. Meerisku alanka uu ku dhammaado ayuun baa macne ahaan cilladaysan.

Halkaa waxa ka cad xidhiidhka muran la'aaneed ee ka dhexeeya jiiftada iyo gabayga. Malahay, waxaaba arrintaa loo qaadan karaa in gabaygu ka dhashay jiiftada. Illyn meeriskii jiiftada ayuun baa dhiawr alan lagu daray! Taasi ka mudan in sida kale la rumaysto oo la yiraahdo jiiftada ayaa ka dhalatay gabayga. Waa dood inoo furan.

DHAMMAAD

CABDULLAAHI DIIRIYE GUULEED



Akhristayaasha boggan danaceya waxan xususinsey-naa in Jawaabtani tahay halxiraalihii soo baxay maalitii Khamiista ee bishan Noofembar ahayd 9ka.

Halxidhaalaha

toddobaadkan

iyo kii ka

horreeyey

HOOS

- 1 — Gabadh gobowday.
2 — qaar. Uu weyn.
3 — Ku shub oo ha dhimin
4 — Bilow tolista dhiisha ama haanta.
5 — Holac, belbel;
6 — Herer.
7 — Dhaan, geelal, dhaaman, adhyo biyo doon ah.
8 — Indhuu waa arag, dheguhu maqal, carrabku-na waa:
9 — god biyo ku jiraan, oo laga cabbo.
10 — Nin maaha.
11 — Wiil aan weli guur-san
12 — wax baynnu ku cu-naa. Afka ayuu ku yaalaa.
GUDUB

1 — Reen culus oo raggu marka uu dhibaataysan yahay ka yimaadda, Taah, jibaad.

4 — Weel milyi; subagga ayaa lagu shubtaa, saab ayaa loo sameeyaa.

9 — geelu haddii uu daaquo waa ku dhintaa.

11 — Caddeed ka soo baxa

13 — qare ama xabxbab aad u qadhaadh. Riyaha ayaa cuna.

14 — Saan adag oo geela lagu waraabiyoo.

15 — Muslim maaha

16 — aan joogin.

17 — dammaashaad lagu xuso nin iyo naag isguursa day.

18 — Gabadh magaceed tilmaamaaya inay Axad dha-latay.

19 — Jar, qar dheer, ha-a-daan.

20 — Waa la akhristaa.

CABDULLAAHI JAAMAC
Cali (Qurus)

